

Proverbs Interlinguistic

WILFRID E. REEVE

The British Interlingue Association
61 Northcroft Road, West Ewell, Surrey

1955

Price 4d

BIBLIOTHÈQUE

Li AM 264

La Chaux-de-Fonds

Bon actes deve esser reciproc.
Un table covrit fa amicos.
Un inamico apert es melior quam un amico fals.
Li amore es cieco.
Li amore va sempre trovar un via.
Omnico es permisset in amore e guerre.
Plu bon li arbores branchat quam li cago
aurat.
Qui evita li aqua ne va timer dronada.
Omnicos veni a tis qui atende.
Omni asino ama su propri voce.
Qual li avie tal li ove.
Un avie in li manu vale du in li bosco.
Deo auxilia tis qui auxilia se self.
Ama li bell puella ma prende li bon cocinera.
Un bella nascet es demi maritat.
Bellita es potent moné omnipotent.
Bellita ne ea sub li cute.
Simies lauda li bellita del simies.
Omni corvo lauda su juvenes.
Un besa comandat have un amari gust.
Necun aconosse su propri bosse.
Li canes ne manja li canes.
Omni cane es un leon in su hem.
Un afamat cane manja mem pane.
Un cane aboyant ne morde.
Null canzon null supé.
Quant capes tant opiniones.
Du capes es melior quam un.
Quande li cat forvaga li muses lude.
Un cat quel porta gantes ne capte li muses.
Un cat lice regardar li rey.
Ne regarda tro strictmen un cavalle donat.
Caressa li cavalle quel vu vole sedlar.
Li ciecos manja mult moscas.
In li land del ciecos li unoculon es rey.

Un conscientie immaculat es li max moll
 cussine.
 Un pur conscientie es un grand potentie.
 Qui curre pos du lépores ne va capter un.
 Cordies dubitosi ne gania damas deliciosi.
 Un iama sin lingue, un cane sin caude.
 Tis qui dansa ne sempre es gay.
 Deman nequande veni.
 Ne procrastata til deman to quo vu posse far
 hodie.
 Li hom propositi, Deo dispositi..
 Con Deo on posse ear alcú, sin Deo necú.
 Deo da li viandes, li diábol li cocineros.
 Deo creat li lucio por que li micri piscos
 ne mey dormir.
 Tis qui li deos ama mori júven.
 Pos li diábol sempre fetore.
 Li diábol cuida pri su propriis.
 Li diábol tente omnes ma li ocioses tente
 li diábol.
 Li diábol conosset es melior quam li diábol
 inconosset.
 Ne lauda li die ante li vespere.
 Mult moné ne fa un bon diné.
 Si ella besa mult ella ne dormi sol.
 Qui ne prende lu amari ne deserva lu dolci.
 Qui fa necos ti sol fa null erra.
 In li estive ne sercha por nive.
 Fame es li max bon sauce.
 Nascer felici es melior quam nascer rich.
 Sercha li fémina.
 Necun ha videt li facie del fémina pictet.
 Dit ad un fémina dit al monde.
 Prepara li fen quando li sole brillia.
 Batte li ferre quando it es calid.
 Li fil deve sequer li agullie.

Fine bon omnicos bon.
Un cruche fisset es long al puto.
Ex li flamme ad in li foy.
Fortune subride al fortunates.
Foy es un bon servitor ma un mal mastre.
U trova se fum trova se foy.
Un infante brulat time li foy.
Plesuras furtet es li max dolci.
Li ocasion fa li furtard.
Furtet hodie un ove deman un bove.
Un franc furtet -- furtero, un million furtet
-- financiero.
Ne calcula vor gallinelles ante que ili es
covat.
Li guerre es agreabil a tis qui resta in li
hem.
Un hirunde ne fa li verne.
Moné perdit necos perdit; honore perdit
ornicos perdit.
Ti infante es sagi qui conosse su propri
patre.
Li via al inferne es pavat per bon intentiones.
Li innocentes ne besona juramentes.
Fa justmen e ne time necun.
Li max grand honore es diligent labore.
Un lápid verdi ja si it resta long.
Un lápid rulant ne porta null moss.
Qui logia in domes vitrin ne deve jettar
lápides.
Li tirann lauda li libertá.
Li pelicane have un long lingue ma ne di
necos.
Li max long die have un fine.
Long capilles ne fa un bon artist.
Plu mult li torche da luce plu rapid it
extinte se.

Li lude ne valora mem un candel.
 Voca li lune quan testimon e it ne va trahir
 vos.
 Li lupo sempre have excusas por manjar li
 agne.
 Nômina li lupo vor amico ma il va manjar
 vos.
 Lupos e agnes ne dormi junt.
 Time li amicie de un mal mann.
 Mal novas viagea rapidmen.
 Malherbes ne time li gela.
 Malherbes cresce plu rapidmen quam flores.
 Melior manjar e vomir quam nequande manjar.
 Lauda li mare ma resta sur li suol.
 Marita admirat, marito afamat.
 Leva se con li sole marita se in juvenesse.
 Maritage hastosi, long-durant regretas.
 Practica fa li mastre.
 Li ovre lauda li mastre.
 Un hor perdit in li matine nequande es denov
 trovat.
 Li hores matinal es plen de aure.
 Omni mann posse amansar li megera except ti
 qui have la.
 Plu bon li die plu bon li acte.
 Micri coses plese micri mentes.
 Micrissim pos micrissim deveni grandissim.
 U li miel es trova se anc li apes.
 Apes ne visita flores sin miel.
 Deveni miel e li moscas va manjar vos.
 Misfortunes chassa in gruppes.
 Si li monte ne ea a Mahomed, Mahomed deve
 ear al monte.
 Vi Napoli e mori.
 Ante li morte del gazelle ne vendi su pelle.
 Li mortos ne parla.

Un bocca apert capte li moscas.

Un nigri vacca da lacte blanc.

In un nocte obscur omni puella es bon por
besar.

Omni node posse esser tranchat per un cultelle,

Un nov balayette balaya bon.

Null novas bon novas.

Omni nube have un látere argentin.

Li ocasion veni solmen unvez.

Agres have oculus e boscos oreles.

Ne permesse li mus-captuore odorar pro caseo.

Bon consilies cade sur oreles surd.

Aperte li ostre por trovar li perle.

Ne posi omni vor oves in un corbe.

Un dronante capte mem un pallie.

Li ultim pallie rupte li dorse del camel.

Li ultim gutte fa li tasse superfluer.

Pane fa un festine si li companes es bon.

U li pane es trova se anc li muses.

Ella qui ea parformat ne ea bon.

Agreabil paroles ne custa necos.

Plu mult li paroles plu minu li veritá.

Gastes e piscos malodora pos tri dies.

Li pisco ex li aqua mori pro manca de aere.

Li pisco quel escapat esset enormissim.

Ne transi li ponte til que vu ariva ta.

Un clave aurin aperte omni portas.

On ne posse far un borse silkin ex un orel
porcin.

Un porta apert va tenter un santo.

Prega por pluvie ma ea al fluvie.

Ne instructe li papa pregar.

In prim capte li lepor.

Jolli puellas ne besona borses.

Puritá es proxim pietá.

Un ove putrid difecte li tot brioche.

Un pom putrid difecte li tot corbe.
Un fluvie quiet es un fluvie profund.
Regarda ante saltar.
Li rich mann ne reconosse su amicos.
Richesse sin guide es un cavalle sin brida.
Ne ride til li fine.
Qui ultim ride max bon ride.
Omni vias ducte a Roma.
Roma ne esset constructet in un die.
Omni sagio es quelcvez un follo.
Con età veni sagitá.
Mente san in corpore san.
Sangue es plu densi quam aqua.
Qui porta li sapate save u it pincea.
Qui ea li mesim al scudello brula su labie
Silentie es consentiment.
Null sagesse quam silentie.
Parlada argentin silentie aurin.
Plu alt li simie grimpa plu il monstra su
caude.
Pos un nigrissim nocte sempre li sole brillia
Glacie ne pervive in li sole.
Un vacui spica tene se alt.
Quo splende ne sempre es aurin.
Stultones e idiotas parla li veritá.
Necos successa plu mult quam li success.
Suficientie es tam bon quam un festine.
Tro mult cocineros difecte li sup.
It nequande es tro tard por comensar denov.
Témpor es moné.
Témpor e marca ne atende por necun.
Altri témpores altri mores.
Ti da du vezes qui da tost.
Li avie quel avigila tost capte li lúmbric.
Ea tranquil ea facil.
Pos un dormie tranquil li idés es fertil.

Trinca profund e have li podagra, trinca
nequande e have li podagra.
Ne pussa li nase in vase vicin.
Un vacui vase fa li max mult brue.
Venjantie es dolci.
Li max dolci venjantie es pardon.
Plena li ventre ante que vu salva li anim.
Dolci paroles ne plena li ventre.
Mult veritās es parlat in jocada.
In vin veritā.
Omni via have un flac.
Li viande de ti-ta es li venen de ti-ci.
Mi vicino plora ma yo ne senti li dolore.
Un cose videt es un cose credet.
Un cope forat ne contene mult vin.
Li vin ha dronat plu mult homes quam li
mare.
Bon vin ne besona reclam.
Li voce del popul es li voce de Deo.

